




ԱՐՑԱԽԻ ԹԵՄՈՒՄ

ԳԱՆՁԱՍՍՐ

Հոկտեմբերի 1, կիրակի, Վարազա Ս. Խաչ— Այս օրը հավերժորեն մտավ պատմության մեջ որպես Գանձասարի վանքի վերաբացման թվական: Պատմական օր ապրեց ոչ միայն արցախահայությունը, այլև համայն հայ ժողովուրդը և՛ Հայաստանում, և՛ նրա սհամաններից դուրս: Մոտ 60-ամյա հարկադրված լուծությունից հետո կրկին հնչեց Գանձասարի վանքի զանգը և իր գիրկը կանչեց հավատավոր հայ ժողովրդին՝ հավատք, հույս և սեր բաշխելու:

Այս երջանիկ առիթով Գանձասարի վանքում էին Արցախի թեմի հոգևոր տեսուչ Տ. Պարզև եպս. Մարտիրոսյանը, Գանձասարի վանահայր Միքայել աթղ. Աջապահյանը, ինչպես նաև ուխտավորաբար ժամանած Ամարասի վանքի վանահայր Տ. Վրթանես աթղ. Աբրահամյանը, Մարդակերտի շրջանի հոգևոր հովիվ Տ. Թադևոս քհն. Գևորգյանը և Ասկերանի շրջանի հոգևոր հովիվ Տ. Մկրտիչ քհն. Թովմասյանը: Դեռևս սեպտեմբերի 30-ի երեկոյան սկսված կիրակամտի ժամերգությունից, ինչպես նաև գիշերային հսկման արարողությունից և լվացումներից հետո, հոկտեմբերի 1-ին՝ հետ առավոտյան ժամերգության, ժամը 11-ին սկսվեց Ս. պատարագը: Պատարագիչն էր գեր. Տ. Պարզև եպիսկոպոսը: Թեև Արցախի և Հայաստանի շրջափակումը լուրջ դժվարություններ էր հարուցել Գանձասարի վանք հասնելուն, սակայն, այնուամենայնիվ, դեպի Ս. Հովհաննես Մկրտիչ եկեղեցին էին ձգվում բազմահարյուր հայեր ինչպես Արցախից, այնպես էլ մայր Հայաստանից:

«Հայր մեր»-ից առաջ, խոսներամ բազմության ներկայությամբ պատարագիչ սրբազանը ոգեշունչ քարոզ խոսեց՝ վեր հանելով օրվա պատմական նշանակությունը ողջ հայ ժողովրդի համար: Սրբազանը արեց նաև բարեմաղթություններ մեր ժողովրդի արդարացի պայքարի մոտակուտ հաղթանակի համար:

Հավարտ Ս. Պատարագի մոտակա վանք գյուղում Արցախի թեմի հոգևոր դասի, մարզի ղեկավար անձանց, ինչպես նաև ներկաների համար տրվեց ճաշերույթ, որտեղ խոսված ճառերում բոլորը միահամոռո կերպով պատրաստակամություն հայտնեցին շարունակելու այս սկսված գործը Արցախ աշխարհում:

Վաղ առավոտից մինչև ուշ երեկո շարունակվում էր ուխտավոր ժողովրդի այցը Գանձասար, որտեղ այդ օրը տեղի ունեցան տասնյակ մկրտություններ:

ԱՄԱՐԱՍ

Հոկտեմբերի 16, երկուշաբթի, Գյումրի Աշխարաց Գրիգորիսի Աղվանից կաթողիկոսի— Այսօր, երկարատև ընդմիջումից հետո առաջին անգամ լինելով, Արցախահայությունը, ինչպես նաև Հայաստանից և սփյուռքից ժամանած հյուրերը՝ ավելի քան 500 հոգի, արհամարհելով շարունակվող շրջափակման հարուցած դժվարությունները, Արցախի թեմի հոգևոր տեսուչ Տ. Պարզև եպս. Մարտիրոսյանի գլխավորությամբ ուխտի գնացին Ամարասի վանք՝ խոնարհվելու մեծ սրբի Աշխարհերի առջև և աղոթելու Հայաստան աշխարհի և հայ ժողովրդի պայծառության համար: